



Ráðhús Reykjavíkur

Borgarráð

### ***Efni: Viðauki við samninga***

Á fundi skóla- og frístundarráðs þann 14. september 2021 lögðu skóla- og frístundaráðsfulltrúar Samfylkingarinnar, Viðreisnar, Pírata og Vinstri grænna fram svohljóðandi tillögu ásamt minnisblaði sviðsstjóra skóla- og frístundasviðs, dags. 6. september 2021, yfirliti yfir samninga við sjálfstætt rekna leikskóla í Reykjavík, bréfi Samtaka sjálfstæðra skóla, dags. 7. september 2021 og reglur um rekstrar- og húsnæðisframlag til sjálfstætt starfandi leikskóla með samning við skóla- og frístundasvið fyrir börn 18 mánaða til 6 ára og börn 6/9 mánaða til 36 mánaða:

Lagt er til að sviðsstjóra skóla- og frístundasviðs verði falið að gera viðauka við samning Reykjavíkurborgar við sjálfstætt rekna leikskóla í Reykjavík með þjónustusamning við skóla- og frístundasvið þar sem gildistími samninga og viðauka samkvæmt honum verða framlengdir til 30. júní 2022. Í þeim tilfellum þar sem gildistími er til lengri tíma en 30. júní 2022 verði gerð sú breyting gagnvart viðsemjendum að samningar fái gildistíma til 30. júní 2022. Jafnframt er lagt til að sviðsstjóra verði falið að leggja fram drög að nýum þjónustusamningi Reykjavíkurborgar við sjálfstætt rekna leikskóla með þjónustusamning við Reykjavíkurborg með gildistöku frá 1. júlí 2022 til þriggja ára. Skal hann leita eftir samráði við fyrirsvarsmenn sjálfstætt rekinna leikskóla vegna nýs samnings.

Tillagan var samþykkt og vísað til borgarráðs.

Tillögunni er hér með vísað til borgarráðs.

Virðingarfyllst

Helgi Grímsson  
sviðsstjóri skóla- og frístundasviðs

Hjálagt:

Minnisblað sviðsstjóra, dags. 6. september 2021

Yfirlit yfir samninga við sjálfstætt rekna leikskóla í Reykjavík

Bréf Samtaka sjálfstæðra skóla, dags. 7. september 2021

Relgur um rekstar- og húsnæðisframlag til sjálfstætt starfandi leikskóla með  
samning við skóla og fristundas við sjálfstætt rekna leikskóla

Reykjavík, 6. september 2021

SFS2018100234

215. fundur

HG/gs/img/kg

## MINNISBLAÐ

**Viðtakandi:** Skóla- og frístundaráð

**Sendandi:** Helgi Grímsson, sviðsstjóri skóla- og frístundaráðs

---

**Efni: Tillaga um að gerður verði viðauki við samninga sjálfstætt rekinna leikskóla í Reykjavík**

Skóla- og frístundasvið hefur unnið að gerð nýrra samninga við sjálfstætt rekna leikskóla í Reykjavík um framlög til þeirra en flestir samningar falla úr gildi þann 31. september nk.

Með minnisblaði þessu er lagt til að í stað þess að gerðir verði nýir samningar til þriggja ára verði núgildandi samningar framlengdir til 30. júní 2022 og þeir endurnýjaðir samhliða samningum við sjálfstætt starfandi grunnskóla sem renna út í júní 2022. Í þeim tilfellum þar sem gildistími er til lengri tíma verði gerð sú breyting að samningar fái gildistíma til 30. júní 2022.

*I Meðferð málsins*

Á 144. fundi skóla- og frístundaráðs þann 25. september 2018 og í borgarráði þann 4. október 2018 var samþykkt að gera samninga við sjálfstætt rekna leikskóla í Reykjavík. Samningarnir tóku gildi þann 1. október 2018 og gilda til þriggja ára.

Á fundi skóla- og frístundaráðs þann 11. desember 2018 og í borgarráði þann 10. janúar 2019 var samþykkt tillaga varðandi ungbarndadeildir í sjálfstætt reknum leikskólum: [https://fundur.reykjavik.is/sites/default/files/agenda-items/44\\_sfs\\_ungbarndadeildir.pdf](https://fundur.reykjavik.is/sites/default/files/agenda-items/44_sfs_ungbarndadeildir.pdf)

Þá hafa frá árinu 2018 verið gerðir samningar og viðaukar um framlög á grundvelli umsókna sjálfstætt rekinna leikskóla sem hafa leitt til þess að í einhverju tilvikum er gildistími til lengri tíma en 31. september 2021.

Í meðfylgjandi yfirlit má sjá yfirlit yfir rekstraraðila, tegund af samningi, fjölda barna og gildistíma samninga.

## *II Efni samninga og viðsemjendur*

Í fyrsta lagi er um að ræða samninga um **framlög vegna barna á aldrinum 18 mánaða til 6 ára**. Í öðru eru fjórir leikskólar sem eru með framangreindan samning jafnframt með samning vegna **ungbarnadeilda** (börn á aldrinum 12 mánaða til 18 mánaða).

Um er að ræða eftirfarandi rekstraraðila; Hjallastefnan ehf vegna Laufásborgar, LFA vegna Fossakots og Korpuskóla, Waldorfskólinn Sólstafir, Dignitas ehf vegna Regnbogans, Skerjagarður ehf og leikskólinn Vinaminni.

Eftirfarandi rekstraraðilar eru jafnframt með samning vegna ungbarnadeildar; Leikskólinn KFUM og K, Félagsstofnun stúdenta vegna Mánagarðs, Barnaheimilið Ós og Hjallastefnan ehf vegna Öskju.

Þá eru tveir rekstraraðilar með samning vegna fimm ára leikskóladeildar en það eru Skóli Ísaks Jónssonar og Landakotsskóli. Þessir samningar eru sama efnis og samningar vegna barna á aldrinum 18 mánaða til 6 ára.

Í þriðja lagi er um að ræða samninga við sjálfstætt rekna **ungbarnaleikskóla vegna barna á aldrinum 6/9 mánaða til 36 mánaða**,

Eftirfarandi rekstraraðila eru með samning vegna ungbarnaleikskóla; Leikskólann Lundur, Skólar ehf vegna Ársólar, Félagsstofnun stúdenta vegna Leikgarðs, Félagsstofnun stúdenda vegna Sólgarðs, Krílasel ehf.

Samningarnir eru efnislega að mestu samhljóða að því undanskyldu að mánaðarlegt rekstrarframlag fyrir hvert dvalargildi nemur 1/11 af árlegum styrkgrunni að frádeginni mánaðarlegri hámarksgreiðslu foreldra, þ.e. greiðslu skv. gjaldskrá skóla- og frístundasviðs vegna leikskóla Reykjavíkur er margfölduð með 1,15 vegna leikskóla með samning vegna barna á aldrinum 18 mánaða til 6 ára en margföldunarstuðullinn er 2,15 vegna leikskóla með samning sem nær til barna á aldrinum 6/9 mánaða til 36 mánaða og vegna ungbarnadeilda með börn á aldrinum 12 til 18 mánaða. Yfirlit yfir rekstrar- og húsnæðisframlag er meðfylgjandi.

## *III Yfirlit yfir helstu efnisatriði sem hafa verið til skoðunar*

Það er mat skóla- og frístundasviðs að rétt sé einfalda samninga við sjálfstætt rekna leikskóla út frá því viðmiði að ekki verði gerðir tveir samningar við þá rekstraraðila sem eru með ungbarnadeildir. Að sama skapi er það til einföldunar að allir samningar við sjálfstætt rekna leik- og grunnskóla hafi sama gildistíma.

Nú hafa tekið gildi nú lög nr. 144/2020 um fæðingar- og foreldraorlof en samkvæmt 2. gr. laganna er það markmið þeirra að að tryggja barni samvistir við báða foreldra. Þá er lögunum ætlað að gera foreldrum kleift að samræma fjölskyldu- og atvinnulíf.

Samkvæmt lögum um fæðingar- og foreldraorlof eiga foreldrar barna sem fædd eru 1. janúar 2021 eða síðar sjálfstæðan rétt til fæðingarorlofs í allt að sex mánuði hvort um sig vegna fæðingar, frumættleiðingar barns eða töku barns í varanlegt föstur. Þrátt fyrir framangreint er foreldri heimilt að framselja sex vikur af sjálfstæðum rétti sínum til hins foreldrísins. Þá er í

lögunum fjallað um ýmis tilvik sem leiða til þess að réttur til fæðingarorlofs til 12 mánaða færist til annars foreldrisins.

Viðmið skóla- og frístundasviðs um að greitt sé framlag vegna barna frá sex eða níu mánaða aldri byggja á eldri reglum um 6/9 mánaða rétt til fæðingarorlofs.

Með vísan til þess að ný lög tóku gildi þann 1. janúar 2021 liggur ekki enn fyrir að hvaða leyti foreldrar hafa þörf fyrir leikskóla yngri barna en tólf mánaða.

Skoða þarf nánar hvort vilji er til að gera þá kröfu að sjálfstætt reknir leikskólar noti skráningar- og upplýsingakerfið Völu auk þess sem fara þarf betur yfir kröfur er varða aðgang að biðlistum í sjálfstætt rekna leikskóla.

#### *Samráð við sjálfstætt rekna leikskóla*

---

Skóla- og frístundasvið hefur átt two fundi með fulltrúum sjálfstætt rekinna leikskóla í tengslum við gerð nýrra samninga. Þá hafa Sjálfstætt reknir leikskólar og samtök þeirra fengið bréf þess efnis að til standi að leggja til við skóla- og frístundaráð að samningar þeirra verði framlengdir og gildistími samræmdur. Var þeim boðið að koma á framfæri sjónarmiðum sínum hvað þetta varðar. Í bréfi Samtaka sjálfstæðra skóla (SSSK), dags. 7. september sl., kemur fram að afstaða stjórnar samtakanna sé sú að í ljósi þeirra aðstæðna geti talist eðlilegt að gera téðar breytingar á samningum borgarinnar við sjálfstætt rekna leikskóla. Hinsvegar sé gerð sú krafa að samningarnir sem ætlunin er að verði frágengnir hinn 1. júlí 2022 hafi gildistíma frá 1. október 2021.

Fyrir liggur að ekki er gert ráð fyrir auknum framlögum til sjálfstætt rekinna leikskóla í fjárhagsáætlun skóla- og frístundasviðs á yfirstandandi fjárhagsári. Fjárhagsáætlun er bindandi regla um allar fjárhagslegar ráðstafanir af hálfu sveitarfélagsins, aðrir geta þó ekki byggt sjálfstæðan rétt til fjárfamlaga eða annarrar fyrirgreiðslu sveitarfélags á fjárhagsáætlunum. Unnið er að gerð fjárhagsáætlunar vegna komandi árs en ekki er unnt að leggja til við skóla- og frístundaráð að Reykjavíkurborg skuldbindi sig með afturvirkum hætti.


#### *Fjárhagsleg áhrif*

Í fjárhagsáætlun skóla- og frístundasviðs er gert ráð fyrir framlagi til sjálfstætt rekinna leikskóla með samning við skóla- og frístundasvið vegna annars vegar barna frá 18 mánaða til 6 ára og ungbarnadeilda þeirra eftir því sem við á og hinsvegar vegna barna 6/9 mánaða til 36 mánaða. Framlenging samninga hefur engin áhrif á fjárhagsáætlun SFS eða framlög til sjálfstætt starfandi leikskóla. Framlög til sjálfstætt rekinna leikskóla eru á ársgrundvelli u.p.b. 3,7 milljarðar króna.

#### *IV. Afgreiðsla*

Með vísan til þess sem að framan hefur verið rakið er lagt til að gerður verði viðaukið við samninga sjálfstætt rekinna leikskóla sem falla úr gildi þann 31. september 2021 með þeim hætti að þeir verði framlengdir til 30. júní 2022. Jafnframt verði þeim aðilum sem eru með samninga til lengri tíma tilkynnt um breyttan gildistíma til 30. júní 2022.





**Yfirlit yfir samninga við sjálfstætt rekna leikskóla í Reykjavík**

Samningar vegna barna á aldrinum 18 mánaða til sex ára


Nafn leikskóla	Rekstraraðili	Kennitala	Gildistími samnings	Heimilaður barnafjöldi að hámarki
Askja	Hjallastefnan leikskólar ehf	540599-2039	31.12.2021 31.12.2021*	137
Fossakot/Korpukot	LFA ehf	590104-2720	30.09.2021	180
Kfum og K	Leikskóli KFUM og KFUK	590176-0369	30.09.2021 31.08.2023*	95
Laufásborg	Hjallastefnan ehf.	540599-2039	30.09.2021	127
Mánagarður	Félagsstofnun stúdenta	540169-6249	30.08.2021 30.08.2021*	128
Ós	Barnaheimilið Ós	641073-0329	30.09.2021 31.08.2022*	48
Regnboginn	Dignitas ehf	701001-3540	30.09.221	74
Skerjagarður	Skerjagarður ehf.	500303-2390	30.09.2021	50
Sólstafir	Waldorfleikskólinn Sólstafir	430694-2199	30.09.2021	83
Sælukot	Leikskólinn Sælukot	420683-0309	30.09.2021	79
Vinaminni	Leikskólinn Vinaminni ehf.	500194-2519	30.09.2021	86
Ísaksskóli	Skóli Ísaks Jónssonar	600269-4889	30.09.2021	75
Landakotsskóli	Landakotsskóli	066050-1210	30.09.2021	30

\*Ungbarnadeildir

1.144

**Ungbarnaleikskólar, börn á aldrinum 6/9 mánaða til 36 mánaða**

Nafn leikskóla	Rekstraraðili	Kennitala	Skrifar undir samning	Barnafjöldi sem greitt er með
Ársöl	Skólar ehf.	630800-2930	30.09.2021	68
Leikgarður	Félagsstofnun stúdenta	540169-6249	30.09.2021	63
Lundur	Leikskólinn Lundur ehf.	500106-0500	30.09.2021	50
Sólgarður	Félagsstofnun stúdenta	540169-6249	30.09.2021	51
Krílasel	Krílasel ehf	700818-0390	31.12.2021	25
				211



Samtök sjálfstæðra skóla

Reykjavík, 7. september 2021

Reykjavíkurborg  
b.t. skóla- og frístundasviðs  
Borgartúni 12–14  
105 Reykjavík

**Efni: Samningar Reykjavíkurborgar við sjálfstætt rekna leikskóla um fyrirkomulag þjónustu og gjaldtöku**

Hinn 31. ágúst síðastliðinn barst Samtökum sjálfstæðra skóla (SSSK) erindi frá skóla- og frístundasviði Reykjavíkurborgar (SFS2018100234). Með erindinu var SSSK gefið færi á að koma sjónarmiðum á framfæri vegna áforma þess efnis að lagt yrði til við skóla- og frístundaráð borgarinnar að samningar hennar við sjálfstætt rekna leikskóla yrðu framlengdir með viðauka til 1. júlí 2022 á meðan unnið yrði að gerð nýrra samninga. Í erindinu var tekið fram að jafnframt væri gert ráð fyrir að leggja til að samningar þriggja leikskóla vegna ungbarnadeilda þeirra, sem hafa lengri gildistíma en til 1. júlí 2022, fái hinn sama gildistíma.

Erindið var tekið fyrir á fundi nýrrar stjórnar SSSK hinn 3. september síðastliðinn.

Afstaða stjórnar SSSK er að í ljósi þeirra aðstæðna sem nefndar eru í erindinu frá 31. ágúst síðastliðinn geta talist eðlilegt að gera téðar breytingar á samningum borgarinnar við sjálfstætt rekna leikskóla. Hins vegar gerir stjórnin þá kröfu að samningarnir sem ætlunin er að verði frágengnir hinn 1. júlí 2022 hafi gildistíma frá 1. október 2021. Þá óskar stjórnin jafnframt eftir því að undirbúningi og viðræðum vegna samninganna verði hér eftir forgangsraðað með þeim hætti að efni samningsákvæða sem, beint eða óbeint, snerta framlög borgarinnar til leikskólanna verði tekið til umfjöllunar á undan öðrum ákvæðum.

Rétt er að geta þess að á vettvangi SSSK hefur verið settur saman hópur sem ætlað er að vera fulltrúum SSSK og starfsmönnum SVP til ráðgjafar í tengslum við gerð samninganna. Óskar stjórn SSSK annars vegar eftir að skóla- og frístundasvið upplýsi stjórnina um nöfn þeirra fulltrúa sem koma munu að samningsgerðinni fyrir hönd borgarinnar og hins vegar boði fulltrúa SSSK til samningafundar eins fljótt og verða má.

F.h. stjórnar Samtaka sjálfstæðra skóla

Alma Guðmundsdóttir  
formaður stjórnar SSSK

Gildir frá 1. janúar 2021

## **Rekstrar- og húsnaðisframlag til sjálfstætt starfandi leikskóla með samning við skóla- og frístundasvið**

**Börn frá 18 mánaða til 6 ára**

Skóla- og frístundasvið greiðir sjálfstætt starfandi leikskóla með samning við skóla- og frístundasvið rekstrar- og húsnaðisframlag vegna barna sem dvelja í leikskólanum og uppfylla skilyrði um aðgang í leikskóla Reykjavíkurborgar, þ.e. lögheimili barns og föst búseta er í Reykjavík og foreldrar eru ekki í vanskilum við leikskólasvið, sjá nánar 2. gr. í reglum skóla- og frístundasviðs um leikskólaþjónustu.

Einungis er greitt framlag með barni vegna vistunar á einum stað í einu, þ.e. í leikskóla eða hjá dagforeldri, sjá nánar reglur um niðurgreiðslur til dagforeldra og reglur um leikskólaþjónustu á heimasíðu [www.reykjavik.is/skoliogfristund](http://www.reykjavik.is/skoliogfristund). Hefji barn nám í grunnskóla fellur niður réttur til framlags skóla- og frístundasviðs

Skóla- og frístundasvið greiðir með barni á meðan uppsagnarfrestur er í gildi, þó að hámarki í einn mánuð og skal uppsögn miðast við 1. og 15. dag hvers mánaðar.

### **I – REKSTRARFRAMLAG**

#### **1. Rekstrarframlag fyrir börn frá 18 mánaða til 6 ára**

Greitt er rekstrarframlag fyrir börn frá 18 mánaða aldri og þar til grunnskólaganga hefst við 6 ára aldur.

Rekstrarframlagið er byggt á áætluðum heildarkostnaði (án húsaleigu) við börn í borgarreknum leikskólum, skv. fjárhagsáætlun ársins, þ.e. áætlaður rekstrarkostnaður borgarrekinna leikskóla, á ársgrundvelli, þ.e. fyrir 12 mánaða tímabil að viðbættri fjárhæð vegna sameiginlegs kostnaðar borgarrekinna leikskóla sem ekki er áætlaður á borgarrekna leikskóla og að frádreginni húsaleigu og kostnaði vegna þjónustu og umsýslu vegna sjálfstætt starfandi leikskóla.

Heildarkostnaður (án húsaleigu) við hvert barn er tvískiptur, annars vegar kostnaður pr. barn í heilsdagsvistun og hins vegar kostnaður pr. dvalargildi, þ.e. vistunartími margfaldaður með barngildisstuðli. Rekstrarframlag á hvert barn er því reiknað út í tvennu lagi, fjárhæð pr. barn í heilsdagsvistun og fjárhæð pr. dvalargildi. Barn sem dvelur í leikskólanum í 5,5 klst. á dag eða skemur telst vera í hálfsdagsvistun, barn sem dvelur í 6 klst. á dag eða lengur í leikskólanum telst vera í heilsdagsvistun. Tvö börn í hálfsdagsvistun reiknast sem eitt barn í heilsdagsvistun. Fjöldi dvalargilda fyrir hvert barn fer eftir fjölda dvalarstunda og aldri barns.

##### **a. Rekstrarframlag fyrir hvert barn er reiknað út á eftirfarandi hátt:**

Í þann hluta heildarkostnaðar (án húsaleigu) á ársgrundvelli sem er áætlaður pr. barn í heilsdagsvistun er deilt með áætluðum fjölda heilsdagsplássa í borgarreknum leikskólum.

Mánaðarlegt rekstrarframlag fyrir hvert barn nemur 1/11 af árlegum heildarkostnaði að frádreginni mánaðarlegri hámarksgreiðslu foreldra, þ.e. greiðslu skv. gjaldskrá skóla- og frístundasviðs vegna leikskóla Reykjavíkur margfölduð með 1,15. Sjá nánar töflu í lið IV

Útreikningur á framlagi skóla- og frístundasviðs. Rekstrarframlagið er greitt út mánaðarlega með ellefu greiðslum en ekki er greitt í júlí.

Rekstrarframlag pr. barn á mánuði (í 11 mánuði á ári)	Fjárhæð 1.1.2021
Pr. barn á mánuði, fyrir 6 klst. dvöl á dag eða lengur	71.528 kr.
P. barn á mánuði, fyrir 5,5 klst. dvöl á dag eða skemmri	34.764 kr.

**b. Framlag fyrir hvert dvalargildi er reiknað út á eftirfarandi hátt:**

Í þann hluta heildarkostnaðar (án húsaleigu) á ársgrundvelli sem er áætlaður pr. dvalargildi er deilt með áætuðum fjölda dvalargilda í borgarreknum leikskólum.

Mánaðarlegt rekstrarframlag fyrir hvert dvalargildi nemur 1/11 af árlegum styrkgrunni að frádreginni mánaðarlegri hámarksgreiðslu foreldra, þ.e. greiðslu skv. gjaldskrá skóla- og frístundasviðs vegna leikskóla Reykjavíkur margfölduð með 1,15. Sjá nánar töflu í lið IV Útreikningur á framlagi skóla- og frístundasviðs. Rekstrarframlagið er greitt út mánaðarlega með ellefu greiðslum en ekki er greitt í júlí.

Rekstrarframlag á mánuði (í 11 mánuði á ári)	Fjárhæð 1.1.2021
Pr. dvalargildi á mánuði	15.937 kr.

Fjárhæð rekstrarframlags pr. dvalargildi er miðuð við að hlutfall fagmenntaðs starfsfólks<sup>1</sup> í leikskólanum sé 66,9%<sup>2</sup>. Frávik frá hlutfallinu reiknast til lækkunar eða hækkunar á greiðslum frá skóla- og frístundasviði. Til fagmenntaðs starfsfólks telst það starfsfólk sem rétt ætti á að falla undir nefnda kjarasamninga væri það starfsfólk Reykjavíkurborgar:

<sup>1</sup>Sjálfstætt starfandi leikskóla ber að fylgja 9. gr. laga um menntun og ráðningu kennara og skólastjórnenda við leikskóla o.fl. nr. 87/2008 sem segir að 2/3 hlutar stöðugilda við kennslu, umönnun og uppeldi barna í hverjum leikskóla skulu teljast til stöðugilda leikskólakennara. Í 17. gr. laga nr. 87/2008 er undanþága frá framangreindu er kveður á um að sækji enginn leikskólakennari um auglýst leikskólakennrarastarf, leikskólastjórástarf eða aðstoðarleikskólastjórástarf, sbr. 2. mgr. 9. gr., þrátt fyrir endurtekna auglýsingu er heimilt að lausráða í starfið til bráðabirgða, að hámarki til eins árs í senn, einstakling sem ekki er leikskólakennari, sjá nánar í 17. gr. laga nr. 87/2008.

<sup>2</sup> Þetta hlutfall er endurskoðað í janúar ár hvert, hlutfallið miðast við hlutfall fagfólks í borgarreknum leikskólum skv. fjárhagsáætlun skóla- og frístundasviðs hverju sinni.

- Leikskólakennari er á kjarasamningi LN og KÍ vegna FL
- Leikskólaleiðbeinandi A er á kjarasamningi LN og KÍ vegna FL
- Uppeldismenntaður starfsmaður á kjarasamningi Reykjavíkurborgar og Starfsmannafélags Reykjavíkurborgar
- Þroskaþjálfi á kjarasamningi Reykjavíkurborgar og Þroskaþjálfafélags Íslands
- Leikskólaliðar, þ.e. starfsmenn sem lokið hafa 72 eininga námi á námsbraut fyrir aðstoðarfólk í leik- og grunnskólum á kjarasamningi Eflingar.

Ef hlutfallið eykst eða minnkar hækkar/lækkar greiðslan um 0,294 %<sup>3</sup> fyrir hvert prósentustig sem hlutfall fagfólks hækkar eða lækkar, þó að hámarki uppí 80%.

Sjálfstætt starfandi leikskóli skráir upplýsingar um menntun starfsmanna mánaðarlega í upplýsingakerfi skóla- og frístundasviðs. Veiti leikskólinn ekki þær upplýsingar er gengið út frá því við greiðslu framlags að engir starfsmenn séu með fagmenntun.

Fagmenntun allra starfsmanna leikskólans að undanskildu starfsfólk sem sinnir börnum með sérþarfir skv. 7. gr. samningsins og úthlutaðri nybúakennslu reiknast til hækunar eða lækkunar.<sup>4</sup>

## 2. Rekstrarframlag fyrir börn yngri en 18 mánaða:

Samningurinn gildir vegna barna 18 mánaða til 6 ára en hefji barn leikskóladvöl áður en það nær 18 mánaða aldri greiðist sama rekstrarframlag og vegna vistunar reykviskra barna hjá dagforeldrum. Sama húsnaðisframlag er greitt og vegna barna 18 mánaða til 6 ára.

Greitt er rekstrarframlag fyrir börn hjóna og sambúðarfólks frá 9 mánaða aldri og fyrir börn einstæðra foreldra og námsmanna frá 6 mánaða aldri, til samræmis við nágildandi reglur um niðurgreiðslur til dagforeldra. Fjárhæð framlags er sú sama og niðurgreiðsla vegna barna hjá dagforeldrum. Rekstrarframlag er greitt út mánaðarlega með ellefu greiðslum á ári en ekki er greitt í júlí. Um framlagið gilda sömu reglur og um niðurgreiðslur til dagforeldra.

## II – HÚSNÆÐISFRAMLAG

Fjárhæð húsnaðisstyrkja vegna barna í sjálfstætt starfandi leikskólum er:

Árlegt húsnaðisframlag fyrir hvert barn er reiknað út á eftirfarandi hátt:

	Fjárhæð pr. barn á mánuði (styrkur er gr. í 11 mánuði á ári)
Pr. barn á mánuði, fyrir 6 klst. dvöl á dag eða lengur	28.793 kr.
Pr. barn á mánuði, fyrir 5,5 klst. dvöl á dag eða skemmri	14.397 kr.
Leikskólar sem eru í húsnaði í eigu Reykjavíkurborgar og greiða ekki leigu fyrir afnot bess.	0 kr.

Í áætlaðan húsaleigukostnað allra borgarrekinna leikskóla á ársgrundvelli, þ.e. fyrir 12 mánaða tímabil er deilt með áætluðum fjölda heilsdagsbarna í leikskólum borgarinnar. Mánaðarlegur

<sup>3</sup> Prósentuhlutfall á lækkun/hækjun greiðslu er endurskoðað í janúar ár hvert.

<sup>4</sup> Skilgreining á því hvaða stöðugildi teljast til hækunar eða lækkunar framlags vegna faghlutfalls er í endurskoðun vegna leikskóla Reykjavíkurborgar og mun breytingin hafa sömu áhrif á framlag til sjálfssætt starfandi leikskóla.

húsnaðisstyrkur fyrir hvert barn nemur 1/11 af árlegum húsnaðisstyrk, ekki er greitt í júlímaðuði.

Hluti af húsaleigukostnaðinum sem liggar til grundvallar húsnaðisframlaginu er vegna fasteignaskatta og því geta leikskólar sem fá greitt húsnaðisframlag ekki sótt um sérstaka lækkun á fasteignasköttum umfram það.

### III – LOKUN LEIKSKÓLA OG STARFSDAGAR

Gert er ráð fyrir að öll börn taki sumarleyfi í 4 vikur og að leikskólanum sé heimilt að loka vegna skipulagsdaga í 6 daga á ári, sem er sami dagaföldi og hjá borgarreknum leikskólum, án þess að rekstrar- og húsnaðisframlag skerðist.

### IV – ÚTREIKNINGUR FRAMLAGS SKÓLA- OG FRÍSTUNDASVIÐS

Dæmi um útreikning á framlagi SFS með börnum sem eru í sjálfstætt starfandi leikskóla m.v., framlag 2021:

Aldur barns	Bargildisstuðull	Keyptur dvalartími (dæni)	Fjöldi dvalargildi pr. barn á mánuði m.v. 8 kast. dívöld	Eaghlusfall	Rekstrarframlag á mánuði - pr. dvalargildi brúttó	Rekstrarframlag á mánuði - pr. barn (heilstdags) á mánuði - brúttó	Húsnaðisframlag á mánuði - pr. barn (heilstdags) á mánuði - 100% framlag	Samtals rekstrar- og húsnaðisframlag pr. mánuð - brúttó	Gjaldskrá (námsgjald og faðisgjald) foreldra (sambúð), margfölduð með 1,15	Rekstrar- og húsnaðisframlag pr. barn á mánuði (m.v. 8 kast. vistun) sem SFS greiðir til SSSK	
Stuðull:			0,294%								
<b>M.v. 66,9 % faghluðsfal</b>											
6/9 - 17 mánaða	Dagf.gr.	8			66.472	28.793	95.265			95.265	
18 - 23 mánaða		2	16	66,90%	15.937	71.528	28.793	355.313	31.343	323.970	
2 ára		1,6	8	12,8	66,90%	15.937	71.528	28.793	304.315	31.343	272.972
3 ára		1,3	8	10,4	66,90%	15.937	71.528	28.793	266.066	31.343	234.723
4 ára		1	8	8	66,90%	15.937	71.528	28.793	227.817	31.343	196.474
5 og 6 ára		0,8	8	6,4	66,90%	15.937	71.528	28.793	202.318	31.343	170.975

Til viðbótar fær leikskólinn greitt fjármagn til sérkennslu og nýbiakennslu. Auk þess sem leikskólinn getur nýtt sér ráðgið frá starfsfólk i þjónustumiðstöðvum

Barngildisstuðull<sup>5</sup> miðast við árgang og uppfærist í júlí ár hvert, þ.e. barn sem fætt er á árinu 2019 reiknast sem tveggja ára frá 1. september 2021, hvort sem það er fætt í janúar eða desember 2019.

Hærra framlag vegna systkina, námsmanna, öryrkja og einstæðra foreldra fer eftir sömu reglum og í gildi eru fyrir börn í leikskólum Reykjavíkurborgar, sjá nánari upplýsingar í reglum skóla- og frístundasviðs um leikskólapjónustu á heimasíðu skóla- og frístundasviðs, [www.reykjavik.is/skoliogfristund](http://www.reykjavik.is/skoliogfristund).

<sup>5</sup>Barngildisstuðull er skilgreindur með sama hætti og gert var í reglugerð 225/1995 um starfsumhverfi leikskóla sem nú hefur verið felld úr gildi. Ef stuðlinum eða þeim tíma sem hann uppfærist ár hvert, verður breytt gagnvart börnum í borgarreknum leikskólum verður samsvarandi breyting gerð gagnvart framlagi vegna barna í sjálfstætt starfandi leikskólum.

## **V – GJALDSKRÁ LEIJKSÓLA SEM FÁ REKSTRAR- OG HÚSNÆÐISFRAMLAG FRÁ SKÓLA- OG FRÍSTUNDASVIÐI**

Gjaldskrá leikskólans vegna barna, 18 mánaða og eldri, sem skóla- og frístundasvið greiðir rekstrar- og húsnæðisframlag með, má aldrei vera hærri en sem nemur gjaldskrá skóla- og frístundasviðs vegna náms og fæðis barna í leikskólum Reykjavíkur, margfölduð með 1,15.

## **VI – UPPSÖGN Á REKSTRAR- OG HÚSNÆÐISFRAMLAGI**

Skóla- og frístundasvið áskilur sér rétt til að fella niður greiðslu á rekstrar- og húsnæðisframlagi séu greiðsluskilyrði ekki uppfyllt.

## **VII – BREYTINGAR Á REKSTRAR- OG HÚSNÆÐISFRAMLAGI**

Fjárhagsáætlun skóla- og frístundasviðs liggur til grundvallar útreikningi framlagsins. Rekstrar- og húsnæðisframlagið endurskoðast árlega eftir að fjárhagsáætlun Reykjavíkurborgar hefur verið samþykkt, almennt í janúar ár hvert. Framlagið verður einnig endurskoðað ef breytingar verða í laga- og rekstrarumhverfi skóla- og frístundasviðs, s.s. vegna breytinga á lögum, reglugerðum og kjarasamningum, fjárhagsáætlun skóla- og frístundasviðs eða vegna kröfum um hagræðingu í rekstri.

# Rekstrar- og húsnæðisframlag til sjálfstætt starfandi ungbarnaleikskóla með samning við skóla - og frístundasvið

Börn 6/9 mánaða til 36 mánaða

Skóla- og frístundasvið greiðir sjálfstætt starfandi ungbarnaleikskóla með samning við skóla- og frístundasvið rekstrar- og húsnæðisframlag vegna barna sem dvelja í leikskólanum og uppfylla skilyrði um aðgang í leikskóla Reykjavíkurborgar, þ.e. lögheimili barns og föst búseta er í Reykjavík og foreldrar eru ekki í vanskilum við leikskólasvið, sjá nánar 2. gr. í reglum skóla- og frístundasviðs um leikskólapjónustu.

Einungis er greitt framlag með barni vegna vistunar á einum stað í einu, þ.e. í leikskóla eða hjá dagforeldri, sjá nánar reglur um niðurgreiðslur til dagforeldra, reglur um leikskólapjónustu á heimasiðu [www.reykjavik.is/skoliogfristund](http://www.reykjavik.is/skoliogfristund).

Skóla- og frístundasvið greiðir með barni á meðan uppsagnarfrestur er í gildi, þó að hámarki í einn mánuð og skal uppsögn miðast við 1. og 15. dag hvers mánaðar.

## I – REKSTRARFRAMLAG

### 1. Rekstrarframlag fyrir börn frá 6/9 mánaða aldri til 36 mánaða

Greitt er rekstrarframlag fyrir börn hjóna og sambúðarfólks frá 9 mánaða aldri og fyrir börn einstæðra foreldra og námsmanna frá 6 mánaða aldri. Greiðslur vegna barna frá 6 mánaða aldri eru háðar sömu skilyrðum og gerð eru til að frá greitt hærra framlag vegna hjúskaparstöðu eða náms.

Rekstrarframlag er greitt með börnum þar til þau verða 36 mánaða.

Rekstrarframlagið er byggt á áætluðum heildarkostnaði (án húsaleigu) við börn í borgarreknum leikskólum, skv. fjárhagsáætlun ársins, þ.e. áætlaður rekstrarkostnaður borgarrekinna leikskóla, á ársgrundvelli, þ.e. fyrir 12 mánaða tímabil að viðbættri fjárhæð vegna sameiginlegs kostnaðar borgarrekinna leikskóla sem ekki er áætlaður á borgarrekna leikskóla og að frádreginni húsaleigu og kostnaði vegna þjónustu og umsýslu vegna sjálfstætt starfandi leikskóla.

Heildarkostnaður (án húsaleigu) við hvert barn er tvískiptur, annars vegar kostnaður pr. barn í heilsdagsvistun og hins vegar kostnaður pr. dvalargildi, þ.e. vistunartími margfaldaður með barngildisstuðli. Rekstrarframlag á hvert barn er því reiknað út í tvennu lagi, fjárhæð pr. barn í heilsdagsvistun og fjárhæð pr. dvalargildi. Barn sem dvelur í leikskólanum í 5,5 klst. á dag eða skemur telst vera í hálfsdagsvistun, barn sem dvelur í 6 klst. á dag eða lengur í leikskólanum telst vera í heilsdagsvistun. Tvö börn í hálfsdagsvistun reiknast sem eitt barn í heilsdagsvistun. Fjöldi dvalargilda fyrir hvert barn fer eftir fjölda dvalarstunda og aldri barns.

#### a) Rekstrarframlag fyrir hvert barn er reiknað út á eftirfarandi hátt:

Í þann hluta heildarkostnaðar (án húsaleigu) á ársgrundvelli sem er áætlaður pr. barn í heilsdagsvistun er deilt með áætluðum fjölda heilsdagsplássa í borgarreknum leikskólum.

Mánaðarlegt rekstrarframlag fyrir hvert barn nemur 1/11 af árlegum heildarkostnaði að frádreginni mánaðarlegri hámarksgreiðslu foreldra, þ.e. greiðslu skv. gjaldskrá skóla- og frístundasviðs vegna leikskóla Reykjavíkur margfölduð með 2,15. Sjá nánar töflu í lið IV Útreikningur á framlagi skóla- og frístundasviðs. Rekstrarframlagið er greitt út mánaðarlega með ellefu greiðslum en ekki er greitt í júlí.

Rekstrarframlag pr. barn á mánuði (í 11 mánuði á ári)	Fjárhæð 1.1.2021
Pr. barn á mánuði, fyrir 6 klst. dvöl á dag eða lengur	71.528 kr.
P. barn á mánuði, fyrir 5,5 klst. dvöl á dag eða skemmri	35.764 kr.

\*Hækkun á framlagi vegna kjarasamningshækkana starfsfólks í leikskóla.

**b) Framlag fyrir hvert dvalargildi er reiknað út á eftirfarandi hátt:**

Í þann hluta heildarkostnaðar (án húsaleigu) á ársgrundvelli sem er áætlaður pr. dvalargildi er deilt með áætluðum fjölda dvalargilda í borgarreknum leikskólum.

Mánaðarlegt rekstrarframlag fyrir hvert dvalargildi nemur 1/11 af árlegum styrkgrunni að frádreginni mánaðarlegri hámarksgreiðslu foreldra, þ.e. greiðslu skv. gjaldskrá skóla- og frístundasviðs vegna leikskóla Reykjavíkur margfölduð með 2,15. Sjá nánar töflu í lið IV Útreikningur á framlagi skóla- og frístundasviðs. Rekstrarframlagið er greitt út mánaðarlega með ellefu greiðslum en ekki er greitt í júlí.

Rekstrarframlag á mánuði (í 11 mánuði á ári)	Fjárhæð 1.1.2021
Pr. dvalargildi á mánuði	15.937,-

\*Hækkun á framlagi vegna kjarasamningshækkana starfsfólks í leikskóla.

Fjárhæð rekstrarframlags pr. dvalargildi er miðuð við að hlutfall fagmenntaðs starfsfólks<sup>1</sup> í leikskólanum sé 66,9 %<sup>2</sup>. Frávik frá hlutfallinu reiknast til lækkunar eða hækkunar á greiðslum

<sup>1</sup>Sjálfstætt starfandi leikskóla ber að fylgja 9. gr. laga um menntun og ráðningu kennara og skólastjórnenda við leikskóla o.fl. nr. 87/2008 sem segir að 2/3 hlutar stöðugilda við kennslu, umönnun og uppeldi barna í hverjum leikskóla skulu teljast til stöðugilda leikskólakennara. Í 17. gr. laga nr. 87/2008 er undanþága frá framangreindu er kveður á um að sækji enginn leikskólakennari um auglýst leikskólakennarastarf, leikskólastjórástarf eða aðstoðarleikskólastjórástarf, sbr. 2. mgr. 9. gr., þrátt fyrir endurtekna auglýsingu er heimilt að lausráða í starfið til bráðabirgða, að hámarki til eins árs í senn, einstakling sem ekki er leikskólakennari, sjá nánar í 17. gr. laga nr. 87/2008.

<sup>2</sup> Þetta hlutfall er endurskoðað í janúar ár hvert, hlutfallið miðast við hlutfall fagfólks i borgarreknum leikskólum skv. fjárhagsáætlun skóla- og frístundasviðs hverju sinni.

frá skóla- og frístundasviði. Til fagmenntaðs starfsfólks telst það starfsfólk sem rétt ætti á að falla undir nefnda kjarasamninga væri það starfsfólk Reykjavíkurborgar:

- Leikskólakennari er á kjarasamningi LN og KÍ vegna FL
- Leikskólaleiðbeinandi A er á kjarasamningi LN og KÍ vegna FL
- Uppeldismenntaður starfsmaður á kjarasamningi Reykjavíkurborgar og Starfsmannafélags Reykjavíkurborgar
- Þroskaþjálfi á kjarasamningi Reykjavíkurborgar og Þroskaþjálfafélags Íslands
- Leikskólaliðar, þ.e. starfsmenn sem lokið hafa 72 eininga námi á námsbraut fyrir aðstoðarfólk í leik- og grunnskólum á kjarasamningi Eflingar.

Ef hlutfallið eykst eða minnkar hækkar/lækkar greiðslan um 0,294 %<sup>3</sup> fyrir hvert prósentustig sem hlutfall fagfólks hækkar eða lækkar, þó að hámarki uppí 80 %.

Sjálfstætt starfandi leikskóli skráir upplýsingar um menntun starfsmanna mánaðarlega í upplýsingakerfi skóla- og frístundasviðs. Veiti leikskólinn ekki þær upplýsingar er gengið út frá því við greiðslu framlags að engir starfsmenn séu með fagmenntun.

Fagmenntun allra starfsmanna leikskólans að undanskildu starfsfólk sem sinnir börnum með sérþarfir skv. 7. gr. samningsins og úthlutaðri nýbúakennslu reiknast til hækunar eða lækkunar.<sup>4</sup>

## II – HÚSNÆÐISFRAMLAG

Fjárhæð húsnaðisstyrka vegna barna í sjálfstætt starfandi leikskólum er:

	Fjárhæð pr. barn á mánuði (styrkur er gr. í 11 mánuði á ári)
Pr. barn á mánuði, fyrir 6 klst. dvöl á dag eða lengur	28.793 kr.
Pr. barn á mánuði, fyrir 5,5 klst. dvöl á dag eða skemmri	14.397 kr.
Leikskólar sem eru í húsnaði í eigu Reykjavíkurborgar og greiða ekki leigu fyrir afnot þess.	0 kr.

Árlegt húsnaðisframlag fyrir hvert barn er reiknað út á eftirfarandi hátt:

Í áætlaðan húsaleigukostnað allra borgarrekinna leikskóla á ársgrundvelli, þ.e. fyrir 12 mánaða tímabil er deilt með áætluðum fjölda heilsdagsbarna í leikskólum borgarinnar. Mánaðarlegur húsnaðisstyrkur fyrir hvert barn nemur 1/11 af árlegum húsnaðisstyrk, ekki er greitt í júlí mánuði.

<sup>3</sup> Prósentuhlutfall á lækkun/hækjun greiðslu er endurskoðað í janúar ár hvert.

<sup>4</sup> Skilgreining á því hvaða stöðugildi teljast til hækunar eða lækkunar framlags vegna faghlutfalls er í endurskoðun vegna leikskóla Reykjavíkurborgar og mun breytingin hafa sömu áhrif á framlag til sjálfssætt starfandi leikskóla.

Hluti af húsaleigukostnaðinum sem liggur til grundvallar húsnæðisframlaginu er vegna fasteignaskatta og því geta leikskólar sem fá greitt húsnæðisframlag ekki sótt um sérstaka lækkun á fasteignasköttum umfram það.

### III – LOKUN LEIKSKÓLA OG STARFSDAGAR

Gert er ráð fyrir að öll börn taki sumarleyfi í 4 vikur og að leikskólanum sé heimilt að loka vegna skipulagsdaga í 6 daga á ári, sem er sami dagafjöldi og hjá borgarreknum leikskólum, án þess að rekstrar- og húsnæðisframlag skerðist.

### IV – ÚTREIKNINGUR FRAMLAGS LEIKSKÓLASVIÐS

Dæmi um útreikning á framlagi SFS með börnum sem eru í sjálfstætt starfandi leikskóla m.v. framlag 2021:

**Ungbarnaskólar**

Aldur barns	Barn gildisstuðull	Keyptur dvalartími (dæmi)	Fjöldi dvalargildi pr. barn á mánuði m.v. 8 klst. dýði	Faghlutfall	Rekstrarframlag á mánuði - pr. dvalargildi - brúttó	Rekstrarframlag á mánuði - pr. barn (helstdags) á mánuði - brúttó	Húsnæðisframlag á mánuði - pr. barn (helstdags) á mánuði - 100% framlag	Samtals rekstrar- og húsnæðisframlag pr. mánuð - brúttó	Gjaldskrá (námsgjald og fæðisgjald) foreldra (sambúð), margfölduð með 2,15	Rekstrar- og húsnæðisframlag pr. barn á mánuði (m.v. 8 klst. viðtun) sem SFS greiðir til SSSK
Stuðull:			0,294%							
M.v. 69,9 % faghlutfall										
6/9 - 23 mánaða	21	8	16	66,90%	15.937	71.528	28.793	355.313	58.598	296.715
24 - 35 mánaða	1,6	8	12,8	66,90%	15.397	71.528	28.793	297.403	58.598	238.805

Til viðbótar fær leikskólinn greitt fjármagn til sérkennslu og nýbúakennslu. Auk þess sem leikskólinn getur nýtt sér ráðgjöf frá starfsfólk i þjónustumiðstöðvum

Barngildisstuðull<sup>5</sup> miðast við árgang og uppfærir í september ár hvert, þ.e. barn sem fætt er á árinu 2020 reiknast sem tveggja ára frá 1. september 2021 hvort sem það er fætt í janúar eða desember 2021.

Hærra framlag vegna systkina, námsmanna, öryrkja og einstæðra foreldra fer eftir sömu reglum og í gildi eru fyrir börn í leikskólum Reykjavíkurborgar, sjá nánari upplýsingar í reglum skóla- og frístundasviðs um leikskólapjónustu á heimasíðu skóla- og frístundasviðs [www.reykjavik.is/skoliogfristund](http://www.reykjavik.is/skoliogfristund). Vakin er athygli á að hærra framlag er ekki veitt afturvirkt.

### V – GJALDSKRÁ UNGBARNALEIKSKÓLA SEM FÁ REKSTRAR- OG HÚSNÆÐISFRAMLAG FRÁ SKÓLA- OG FRÍSTUNDASVIÐI

Gjaldskrá ungbarnameikskóla vegna barna undir 36 mánaða aldri, sem skóla- og frístundasvið greiðir rekstrar- og húsnæðisframlag með, má aldrei vera hærri en sem nemur gjaldskrá skóla- og frístundasviðs vegna náms og fæðis barna í leikskólum Reykjavíkur, margfölduð með 2,15.

<sup>5</sup> Barngildisstuðull er skilgreindur með sama hætti og gert var í reglugerð 225/1995 um starfsumhverfi leikskóla sem nú hefur verið felld úr gildi. Ef stuðlinum eða þeim tíma sem hann uppfærir ár hvert, verður breytt gagnvart börnum í borgarreknum leikskólum verður samsvarandi breyting gerð gagnvart framlagi vegna barna í sjálfstætt starfandi leikskólum.

## **VI – UPPSÖGN Á REKSTRAR- OG HÚSNÆÐISFRAMLAGI**

Skóla- og frístundasvið áskilur sér rétt til að fella niður greiðslu á rekstrar- og húsnæðisframlagi séu greiðsluskilyrði ekki uppfyllt.

## **VII – BREYTINGAR Á REKSTRAR- OG HÚSNÆÐISFRAMLAGI**

Fjárhagsáætlun skóla- og frístundasviðs liggar til grundvallar útreikningi framlagsins. Rekstrar- og húsnæðisframlagið endurskoðast árlega eftir að fjárhagsáætlun Reykjavíkurborgar hefur verið samþykkt, almennt í janúar ár hvert. Framlagið verður einnig endurskoðað ef breytingar verða í laga- og rekstrarumhverfi skóla- og frístundasviðs, s.s. vegna breytinga á lögum, reglugerðum og kjarasamningum, fjárhagsáætlun skóla- og frístundasviðs eða vegna kröfum um hagræðingu í rekstri.

---